



Coimisiún na Scrúduithe Stáit
State Examinations Commission

Scrúdú an Teastais Shóisearaigh, 2014

Ealaín, Ceardaíocht, Dearadh

Líníocht

Gnáthleibhéal agus Ardleibhéal

Le tabhairt do na Múinteoirí Ealaíne agus do na hIarrthóirí
Dé Máirt, 8 Aibreán, 2014

Tá cead ag na scoileanna an scrúdú a reáchtáil ar a rogha lá idir

28 Aibreán agus 9 Bealtaine, 2014

100 marc

Treoracha do na hiarrthóirí

Tá 100 marc ag gabháil leis an bpáipéar seo, mar leanas:

Catagóir A (Deilbheacha Nádúrtha) nó Catagóir B (Deilbheacha Saorga)	Breathnóireacht 25 marc Léirmhíniú 25 marc	Iomlán 50 marc
--	---	----------------

agus

Catagóir C (Deilbheacha Daonna)	Breathnóireacht 25 marc Léirmhíniú 25 marc	Iomlán 50 marc
--	---	----------------

Ní cóir go mbeadh na bileoga líníochta níos mó ná méid A2. Bain úsáid as bileog ar leith le haghaidh gach catagóire – dhá bhileog san iomlán.

Deimhnigh go bhfuil do scrúduithe scríofa go soiléir ar an dá bhileog líníochta atá agat.

Tá cead agat aon mheán oiriúnach a úsáid, pinn luaidhe, pastail, criáin, peann agus dúch, péinteanna, marcóirí, nó meascán ar bith díobh sin san áireamh.

Ná spraeáil buanaitheoir ar d'obair ealaíne.

Más mian leat bileog líníochta dhaite a úsáid, ní mór don fheitheoir í a shíniú sula dtosaíonn an scrúdú nach bhfuil aon rud ar an mbileog.

Ní mór teideal an ruda a roghnaíonn tú as Catagóir A nó as Catagóir B a scríobh ar an mbileog líníochta ionas gur féidir é a aithint go soiléir.

Ceadaítear 90 nóiméad le haghaidh Chatagóir C, na tréimhsí sosa uile a bheidh ag an gcuspa beo san áireamh.

Nuair a bheidh an scrúdú líníochta thart, cuir an dá bhileog líníochta sa chlúdach in éineacht le do shaothar tionscadail 2T.

Cuir in iúl ar an seicliosta ar an gclúdach go bhfuil an dá bhileog líníochta faoi iamh.

Ní mór do chlúdach a shéalú ansin i láthair an fheitheora.

Ní ceadmhach an clúdach a oscailt athuair.

Ní mór an obair 3T a chur ar bharr an chlúdaigh shéalaithe.

Riachtanais an Scrúdaithe

Tá ort dhá líníocht a dhéanamh, mar leanas:

Catagóir A (Deilbheacha Nádúrtha)

nó

Catagóir B (Deilbheacha Saorga) 9:30 a.m. – 10:30 a.m.

agus

Catagóir C (Deilbheacha Daonna) 11:00 a.m. – 12:30 p.m.

Roghnaigh rud amháin as Catagóir A nó as Catagóir B thíos agus **ainmnigh** ar do bhileog líníochta é.

Catagóir A – Deilbheacha Nádúrtha

Catagóir B – Deilbheacha Saorga

cnámha ainmhí nó éisc
fréamh(acha) plandaí nó tom/crann
planda tí
feithid mharbh nó feithidí marbha
bleibín nó riosóm
abhacád
ciste cupa nó bonnóg
torthaí triomaithe
dos féir
craobh ag lobhadh

caipín nó hata
buatais(i) agus pluda uirthi/orthu
cnaipí agus/nó zipeanna
oiriúint ghruaige
spéaclaí agus/nó cás
fearas deisithe rothair
rogha d'uirlis(i) ceardaíochta
fearas lámh-mhaisiúcháin
a bhfuil i mo bhosca lóin
iasc agus sceallóga

Gnáthleibhéal

Tarraing líníocht den deilbh iomlán **nó** líníocht de chuid di. Is ceadmhach an chuid seo a mhéadú chun a gnéithe a iniúchadh.

Ardleibhéal

Tarraing líníocht den deilbh iomlán **agus** líníocht de chuid di. Is ceadmhach an chuid seo a mhéadú chun a gnéithe a iniúchadh.

Catagóir C – Deilbheacha Daonna

Ba chóir don chuspa beo a bheith ina s(h)uí cearddíreach ar chathaoir.

Ba chóir cosa an chuspa a bheith tuairim is 25cm ó chéile.

Ba chóir lámh chlé an chuspa a bheith ar an leis chlé, an bhos thíos.

Ba chóir lámh dheas an chuspa a bheith ar an lámh chlé, an bhos thíos.

Ba chóir go mbeadh an cuspa ag féachaint ar dheis.

Ba chóir na gnéithe d'aghaidh an chuspa a bheith le feiceáil – ba chóir gruaig fhada a cheangal siar.

Gnáthleibhéal agus Ardleibhéal

Ní mór duit líníocht a tharraingt den chuspa beo agus an staidiúir iomlán a thaispeáint.

nó

Ní mór duit líníocht a tharraingt den chuspa beo agus an cloigeann agus na guailí a thaispeáint.

Ní mór duit na gnéithe uile den aghaidh is féidir leat a fheiceáil a tharraingt i do líníocht.

An Teastas Sóisearach – Gnáthleibhéal agus Ardleibhéal

Ealaín, Ceardaíocht, Dearadh – Líníocht

Le tabhairt do na Múinteoirí Ealaíne agus do na hIarrthóirí Dé Máirt, 8 Aibreán 2014

Tá cead ag na scoileanna an scrúdú a reáchtáil ar a rogha lá idir 28 Aibreán agus 9 Bealtaine, 2014